



湘瑟詞卷之二

申浦錢芳標蒹鮫篔

慶春宮

咏三
絃

瘦似燒槽輕於焦尾誰雕四尺香檀分軫難均排絲有
序數來偶外餘單文蛇蛻薄試春筍低挑漫彈天生配
合紫竹紅牙共話悲歡教師翎雀新翻腕底分明滾
出珠盤畫舸攜將石塲賽去平章錦隊花壇千條刪却
厭箏柱秦聲太繁羨他僥倖貼近裙腰小鼓團團

明月斜

街鼓沈隱燈炮忽憶桃笙月墮時叢篁瑟瑟疎簾下

轆轤金井

出東便門送
行輿中有感



綠楊無恙。但是邊添隊小鳥。眠浪千里。窺陰做離人愁。
况尋常祖帳。都不似這番惆悵。錦憶迎來。玉輪碾去。隄
然心上。東華軟塵十丈。似紅墻隔斷。煙浦漁唱。照影
淪漣。愛一泓新漲。夢中曾向。只爭欠釣絲輕颺。易擲丁
年。難消卯酒。飄零誰傍。

隴頭泉

隴頭泉。怪來幽咽難聽。想都將行人淚點。亂隨紅雨。飄
零最無情。風帆颯颯。知何處烟樹冥冥。溝水東西。神光
離合。狂奴久矣。誤娉婷。泥繡幕。一春香霧。輪與護花鈴。
止贏得征衫點土。旅飯侵星。歎醴陵生疎。鏤管也因
賦別。頻經再生緣。誰尋鈿合。故鄉路。愁指雲屏。醉墨題
墻。嬌鬟按拍。舊歡前事。憶旗亭。儘調笑數錢人好。下馬
索銀鐶。而今向天涯。夢醒燈火青燐。

錦堂春慢

約雨驕雷。驅塵爽吹。麥秋支得微涼。對疎簾清簟。只少
蕭湘巷。僻車輪晝斷。人間漏箭年長。好展澄心堂紙。字
擬官奴。句擬冬郎。日極迴文消息。正吳雲黯黯。江樹
蒼蒼。想家臨谷水。人坐船牕。點處萍痕。破碧催來梅顆。
乖黃。此際幽情幾許。品盡茶經。試盡衣香。

下水船

銅盞敲冰處。燕市重經。祥暑浣悶。排愁偏愛棟風梅雨。
水沈炷。不似江鄉。早灑。薰籠單紵。季華去。一霎

隨飛絮若箇蕤顏能鑄錦瑟鈿箏樽前減盡情緒同羈
旅只有星星難忘商畧碧紗中語

駐馬聽

用柳屯田韻

四載空幃念多少冬釘夏簾誰知京華相慰拔釵沾酒
一燈雙影剛隨也驚馬伊試粉裙減盡腰兒畢竟秦樓鳳
皇名讖應了長離新來對花對月對酒纖悉堪追縱
把斷腸句唵盡何為心似枯蕉雪後難傳畫手王維漫
自遣算蘭舟猶未迎時

小鎮西

端陽前作做樂章集體

海榴照眼時水嬉近矣潭西樹畫船曾繫袖雙倚正青
簾扶病凝妝細寫新蒲一般天氣兩般風味去年淚

便當歌強忍有鄉如異今番况異鄉真寄綠陰裏任襟
懷駢賊不醒不醉鳳樓人在應辦綵絲纏臂

慶春澤

喜王儼齋及第

塵尾清言烏衣華閥過江族望無雙法護僧彌盈階競
秀琳瑯三樹玲瓏君最少記當年金市乘羊羨才多句
是襄陽書是襄陽朝來一賦獻長楊正鳴梢乍歇紫
袖焚香唱徹勾臚爭看白面王郎杏花天氣桃花馬映
宮花醉袂風颺道承恩殿直鴛鴦錦賜鴛鴦

瀟湘逢故人慢

送沈檀音司馬衡州

三季一見又帳飲青門郵籤赤岸水盡南天遠向斑竹
叢中鷓鴣聲畔楚雨湘煙堪嘯傲桃笙葵扇飽長風轉

側視輕九幅翠屏當面。掖門淡官燭晚。想更直清吟。
沈腰帶緩。傷玉皇香案。暫出守分符。臨江擁傳。宣室新
恩。知不似賈生羈宦。倘相貽獄麓唐碑。好托素秋回鴈。

春雲怨

夏日
咏水

藥淵脩月。倩吳柯敲響。馮彝宮闕。姑射仙姿綽約。不數
嶠山堆絳雪。調出瓊筵。擊來渠椀。沈李浮瓜伴寒冽。雲
母屏邊。水精簾底。瑩影更難別。酒闌最解相如渴。甚
盈車不散。朱門炎熱。短壑青松幾時蹶。試嚙丹唇。莫是
真妃。淚鉛凝結。蟲語偏知。狐踪休聽。畱取玉壺共徹。

稍遍

燕京午日用
東坡春晴韵

髻几膽餅。樗火欲然。仍滯京華地。酬令節。角黍脫菱衣。

其盈卮渚蒲芳氣。競渡幾人。追荆楚。垂楊堤畔。寂寞金
溝水。對清簾疎簾。輕紈細葛。慵將白浮紅。比任辟惡鄰
戶。插桃枝。更續命。新縈臂。間絲不似潭西。搥鼓迴船。少
季滋味。念當日。誰家殊麗。縹緲層樓裏。綠紗齊拓。笑
語分明。逗伶俐。惹挾彈妖童。拾鞭狂客。瓊筵數遍。逡巡
起。戲罷都盧。唱殘款乃。珮環遙散。天際。尚鈿釵珠珥。軟
沙遺墜。算十二季來。旅顏低。只家山兩度。娛意多少。醉
舞清歌。髣髴疑前世。忽思匹馬平原道上。題壁遣愁難
已。那時猶有病。香闥。話征夫熱透雙耳。

無愁可解

反東坡
詞意

我始欲愁。君莫遣向。茫茫遠水。凝望樹頭。千片紅。被風

雨昨夜焚鑄就六州生鐵樣誰把寄與天上算總在不
寐時二十五點特地醞釀。也想博箠杯弓歡遊處新
來遍成悽愴任達曾折齒慢說狂奴舊况客裏愁城一
萬丈鎮日與酒兵相抗只除是譜就無愁曲兒喚南國
莫愁唱。

月華清

呈肥水先生

繡刺依然潘季去矣又到長安日下正值孫陽天厩再
評聲價却蹉跎越女江頭空坐失娉婷不嫁應訝爲無
端棧豆鼓車甘駕兩載蕤鄉蟹舍負東閣前期西園
清夜黃絹題辭珍重珊瑚筆架縱柯亭逸響偏收怕鏤
管近來花謝長夏喜綠槐賜澣絳紗乘暇。

城頭月

綠楊橋畔城頭月別去三回缺後夜圓沙何人橫竹撲
漉羣鷗雪長年夢穩篷遮艤雁齒參差接繡被焚香
吳歛盪漿趁早迎桃葉。

彩鳳飛

五月廿一日

譚子國春申浦兩度嗟萍梗誤茲辰妝閣珮聲釵影誓
今生藕花裏雙宿雙飛如何便夢斷舊沙鴛頸綠波冷
寂寞天涯羈客臨風空思省問幾時同倚銀床露井
拜幃前織素小應也悲哽鸞迴乍捧處淚眼炯炯時接
敕命

有有令

咏鸚哥用借香樂府韵

新翎刷翠曉日畫簷前夢回嬌語碎猶未收妝鏡早報

道鄰姬至最憐他。誦得郎詩呼將婢字。太教伶俐。閒
擲相思豆。戲更笑指綠衣人比。一顆金桃啄後。紅嘴留
芳氣。隴山故里何地。粒香水美。知鎖向玉籠幾歲。

徵招調中腔

京邸
聞蟬

棗枝纂纂榆陰密。六角展蒲葵。新摺短夢醒來。據烏皮。
嬾更摹。韭花帖。斜陽半樹鳴蜩咽。彷彿訴羈愁。重疊
憶得箇人。曉妝初。鬢影貼。映頰雪。

水調歌頭

祖氏園
觀荷

四面柳陰合。十頃藕花稠。鑑亭西角重到。笑語狎沙鷗。
倚遍赤闌無暑。閒却白團不御。嘒嘒午蟬幽。彷彿五湖
隱。銷夏小灣頭。池如綺。風如麝。簾如秋。哀絃急管間。

作宛轉合伊州。滿眼煙鬟霧珮。入手汀葭岸芷。只少釣
魚舟。且盡碧筒勸。莫話汜人愁。

鶴冲天

自題
小像

蘋汀蓼渚。鼓瑟人何處。嬾憶夢中吟。峯青句。喜家臨柳
澗。儘容我牽船住。鷗羣堪結侶。茶竈閒攜。不是效顰桑
采。煙低日暮。盪漿沿波去。吹火搗香薷。鱸新煮。聽漁
童。遂罷。又涼送鳴簑雨。綠楊淡幾許。幕歷篷窗。誰識舊
時張緒。

又

澄泓小渚。別有幽棲處。積習未能忘。耽佳句。且浮家泛
宅。向蘆荻叢中住。輕肥非我侶。吳水吳烟。休問獵城名。

亭。殘霞欲暮草屨撈蝦去。落葉掃林坳。松醪煮。任九衢塵裏競翻覆。為雲雨。仙翁如見許。注目扁舟。好慰季鄉歸緒。

望明河

祭丑七夕同安士錫鬯岳亭

他鄉綺節。且瓜果親朋。淡杯爭罰。幾日新秋。覺雨後絺衣。晚來涼徹。蛛絲休占巧。算騎省宦情拚拙。恁時候。誰遣橋邊烏鵲。南飛三匝。針樓畫闌天末。記憐愛。綵縷佩蘭曾說。兒女關心。怕觸著。眼前金釵鈿合。倦遊霑巾淚。伴露點熒熒。看難別。醉眠也。依舊風燈不定。暮階蛩咽。

雪獅兒

咏猫 京邸無事戲同錫鬯作

花氍臥醒。又閒趁十二闌邊。一雙蝶舞。繡倦空圍。幾遍春載親撫。奔騰玉距。亂蠅拂紅絲。千縷。試驗取雙瞳似線。庭陰日午。好是蠶時。早乳問當季果否。其調鸚鵡。八蜡迎來。何處遠村巫鼓。雲圖錦帶。漫懶得張家遺譜。燈明處。合對金猊小炷。張泌妝樓記云張搏好猫有雲圖錦帶諸名價值數金又黃尊

師善畫猫

二郎神

新涼矣。覺八尺龍鬚如水。正草綠。閒門人伏枕。書籤畔。藥爐煙細。剩雨零風。端為我做。弄出秋陰。天氣歎倦客。詩慵酒懶。黯淡襟懷同此。彈指半季冉冉。總成麴繫。道病怕愁添。須按押。奈病裏鄉愁偏殢。菰飯蓴羹歸計。

得問誰遣重來索米。儘屏掩燈昏。夢語依稀也。應嗟悔
憶少季

小屏殘燭。小窗殘雨。小樓殘夢。銖衣已煙散。只蘅蕪香
重。錦瑟華年。愁裏送。便淒涼也無人共。傷心白團扇。
畫秦娥簫鳳。

天香 佛手柑

瘴雨收時。秋烟羃處。林梢幻出香玉。腕瘦常懸。指纖頻
招。裹皺淡鶯紋。殼銅仙掌。曙看露顆如珠。盈掬重疊鉤
文在握。誰知後身金粟。鬢雲寶瓔散。馥問何似。妙檀
濃郁。想得太常齋日。印畱天竺。燈夕傳來。葦屋笑鳥爪
麻姑漫拳曲。只合拈花同參。蔭藟。

紅林擒近 蘋婆果

晉帖來禽後。楚江萍實微。紺碧染圓顛。香綿裹豐肌。夜
來蘋風乍起。風裏幾樹垂垂。小字竊得江妃。偏稱剖柔
黃。渠椀貯片玉。甘液潤詩脾。過江不變。靈均橘頌空
題。憶西山蕭寺。淡紅繁藥。梨雲醉影。逐夢飛。
西山嘉禧寺蘋果最

對雨如。幕西郊涼氣偏早。衝泥問前路。正村扉
畫掩。

時禁烟。上全消。青霜未染。籬落豆花香。小季
愁耿懷抱。凝眸處。依舊亂山繞。但歷

歷碑陰...傳杯似遊蓬仙夢漸杳蟬嘶高樹杪
送一派...應難寫悲秋調步兵清淚灑向窮途
多少...露宿草

漁父 則門

秋柳沿堤...似幄蔚藍過雨蟬聲作泥泥波紋萍點薄
涼漸覺...柳...弛銜絡 也有魚曾臨畧約分明畫
出江南樂...輕舸橫岸泊羈縲惡麗譙日暮休吹角

慢捲綉 飲斜街 舊宅

雙柯小院...三楹淨几六載棲遲處記秋葉春花無限幽
懷都教付與銀錢芳醕割肉歸來拔釵沽太投轄聯新
句...騰窗影驚曙 水萍風絮重來

舊事皆無據縱生意依然未盡攀條悽愴也似仲文枯
樹燕市悲歌狗屠列坐賸有當季侶只無奈樽前聽罷
烏棲淚泣如雨

尉遲杯 題蕃錦集秀水朱十集 唐人長短句為詩餘也

奚囊句想女媧殘石曾攜去支機碎剪鮫文辨改天孫
鴛杼銖衣飄舉更不道玉尺縫金縷訝香紅萬種難名
總被蜂鬚偷取 曉風柳七情緒偏吟到黃河遠上佳
處百和然香土侯合鯖纔稱兩鬟歌紵從蘭晚金茎休
數且研就吳綾烏闌譜倩雙鈎甄賦羊裙試擬懷仁書

序 蘭亭後序乃懷 仁集右軍書字

梧葉兒 題

煙橫岫雨滿江。浙瀝響篷窗。亂荻斜橋，暝疎鐘遠，寺撞
換取鯉魚雙。儘傾倒松醪小釭。

漁家傲

題書

皎鏡空潭三四尺。拒霜斜暎紅無力。鷺影聯拳花底白。
絲歷歷。窺魚立。皺萍痕碧。彷彿吾家婁水北。授衣時
節。蚤催織。月到汀蘆人正客。秋瑟瑟。披圖無限。綸竿憶。

多麗

送喬石
林假歸

正涼秋。嫋嫋江風吹葉。羨輕裝玉鞭乍指。寸心南望先
慙。近家山如畫。一片射陂雲。隱映晴堞。拂樹青帘。倚樓
紅袖。長堤燈火暮仍接。小槽畔。木瓜新釀。攜伴趁遊屨。
仙郎句。知應寫遍舞紵歌筵。况戲著斑衣爛熳。賜歸

絲籠稠疊。侍晨餐白華。笙奏話承恩。帳殿從儼。索米憐
余。思尊輪爾。生衣空臥。舊溪楫。似遙送。隔河新婦。愁損
待年妾。相期處。春滿鳳城。軟語重浹。

珍珠簾

題江蛟門
錦瑟詞

玉溪題罷西崑體。更誰如曉蝶春鶻才思。紅豆行波箋
冷落。雕蟲技。賴有汪倫傳絕調。彷彿聞桃花潭水。燕市
羨粉墻。紈扇斜行小字。想見下直餘閒。有燕釵並坐。
鸞笙相倚。索和玉臺人。總是消魂際。敝帚千金。偏妬汝。
漫自誇湘靈錢起。無寐。正新涼。燈火名香靜對。

厭金盃

香合初收。門環早閉。甚鴉兒隔花頻吠。小鬟多事。挑盞

碧紗燈閒語戲照遍鞦韆影裏。老魚掉尾病鶴梳翎。
惹無限浪猜虛惺。熙春堂約。幸是不曾來。人未睡。明夜
鷓鴣慢會。熙春堂見嬌紅記鷓鴣會見姚月華傳

水龍吟聞鴈

乍晴紋簾涼多。碎砧敲歇。初更靜。旅夢難成一樽閒對。
風簾燈影。隱隱高空。數聲何處。月微煙暝。爲稻梁催去。
瀟湘千里。早排箇銜蘆陣。擬把江鄉書倩。水湛湛。遠
灘楓冷。倦翮連翩。夜寒應傍。鳴闌漁艇。壁滿鈿箏。十三
絃柱。不堪重整。記廿季前向。秦郵野泊。有人同聽。

畫屏秋色

同錫鬯單九豫章飲兄登妙光閣

絲雨銅街歇。約酒徒閒。趁軟泥芳屨。幽砌蓼紅。矮墻苔

碧。偏綴秋節。啓高閣。葳蕤水田衣。淨映素氈。面赤闌。簾
盡揭。對樹裏人家。霧中山色。指點舊曾遊處。宛然風物。
悽絕。羈踪漫說。記曉鐘午磬。聽徹商飈。頻閱劉郎重
到。漸催鬢雪。如意挂蒼涼影。堂蛩語。煙蔓答。擬怨別。雲
正合。算只有蘭生。新愁堪掃。萬髮且買雙螯。醉月。

丹鳳吟

徐力虎庶常席上同合肥宗伯紀槃子自仲調徐公佑張豫章家飲光用片玉韻

賜沐西清多暇。釀貫紅梁。賓邀黃閣。珊瑚爲架。筠管靜
臨書幕。涼宵換席。坐來還見月。練鋪平。雲羅吹薄。共話
江鄉。桂信露冷。風香。何限菰米菱角。賴得麴生味好。
眼前斲滅。羈思惡。秋兔寒。蠶句吟成。擬古。那數劉鑠。留
髡交鳥。樹裏參旗從落。小袖送鈞殘燭。背喜柔荑頻握。

狂奴此際端為伊醉著。

鼓篖慢

八月十七日吳友
數人集斜街寓齋

統如雙下花奴摻先喚起參差玉問誰人偷向嫦娥桂
殿演霓裳新曲欲斷還聯處香檀拍幾回頻促喜鵲絃
宛轉鴛笙瀏亮鈞天夢依稀續
淡耳吳音纖軟數舊
傳漫誇曹穆四筵屏息一絲徐引有梁塵時簸漂泊京
華客身疑在半塘船宿漸紅霞暎樹秋河絡角任燒殘
樺燭

錦堂春

題趙文叔畫蛺蝶草花冊子

淡渲輕勻露痕沾乍柳絮韓憑欲下向青陵臺畔路認
前身影化粉衣香惹想見紅圍玉纖摹罷消受得珊

瑚筆架試鈎簾開展玩誤小鬟笑把白團來打

風流子

題李箕
山書

薜荔洞門千尺舴艋波心一隻松偃蓋石鈎衣藏箇山
腰小宅行客誰識莫是百花潭側

滿江紅

甲寅二月乞養出
都馬上憶
去年情事仍用舊和壁間韻

羸馬酸風喜從此趨朝免起但慰勞板輿華髮晨餐潔
爾試問三槐丞相府何如五柳先生里繪扁舟蠟菜一
閒身真歸矣
余在都曾
繪菴漁圖
心漸覺清如水門莫羨喧如
市讓珥貂鳴玉竭能誇技鳥嘯花濃攜舊侶茶香笋美
尋開士大江東千載幾同心張翰耳

又

馬首煙巒青未了，炊烟又起，抱甕者東，留存約，逝將從爾。且就池邊營五畝，再休櫪下，貧千里，待歸橈無數。故園花春深矣。金臺月，盧溝水，飽閱過，宜僚市，只今吾非故，進乎斯技，宦况淡於雞肋味，人情幻似鸞籠士，謝天公，容我荷長鏡，尋蒼耳。

山漸青

曉風尖，曉霜嚴，野店春寒，分外添。中年此味諳。近江南，挂江帆，鮮菜鮮肥，笋蕨甜，歸應換紵衫。

江城子

寒食渡江同張荆門馬蒨田

佛狸祠下草如茵，水粼粼，送歸人。御柳宮烟，終遜故園春。纔見南徐山幾疊，早忘却，倦遊身。單衣拂拭舊緇塵。

塵，趁芳晨，賣餠新，繫纜沙頭，燒笋贖銀鱗。同是昨季，客路，眉不似去時顰。

憶舊遊

悼嚶城陸君賜

釣篷歸去路，又是平時，梅雨廉纖。按歌人何在，斜陽樾影，尚映細簾。教坊弟子多少，空度望江南。記月下，冰絃燈前，檀拍曾對何戡。無端渭城後，便折柳匆匆，惟願征衫重到岐王宅。歎閒階苔鎖，舊譜塵緘，廣陵漫想遺調。紅豆嬾頻拈，只鬼唱秋墳，棠梨落處，雙淚霑。

北曲六宮惟道

宮失傳君賜得虞山家宗伯藏本有平仄而無字句每欲索當世周郎盡補其缺壬子歲館余之西軒為填雲和瑟冷一闕君賜以三絃度之今童子猶能歌此曲也又嘗以元人院本分別宮調襯字審音定拍欲纂一書與南九宮譜並傳時已垂老雖呵凍焚膏無少倦色輒將成會余以假滿入都未竟厥事此老已云歿今人

多不彈
惜哉

水龍吟

咏螢用坡公和章質夫楊花韵

黃昏庭院無人。何來幾點疎星墜。未燒蘭燄，乍移桃簾，催將秋思。巧入低穿，銀床漸冷，銅鋪初閉。向畫闌干畔，齊紈試撲，忽逐粉墻陰起。飄落溪頭山嘴。也多情，艸黏花綴。狂蹤暗度，朝來那管，雨零風碎。隋苑荒涼，剩伊閱盡，季光如水。最無端，賺得玉階長信，不眠鉛淚。

看花廻

飲董茶水荷亭用周清真韵

紅橋鴈齒斜度。寶鑑奩潔。誰遣新妝無數。儼綽約凌波，珮擁環結。玉杵敲處，茗碗縱橫，桃簾滑。人半醉，解意涼颺。晚香時遞，更幽絕。高柳外，蔚藍銀月。纔吟賞，針樓

瓜節。一片嬋娟清影。鬪漢女湘妃。霧鬢雲髮，碧筍休勸。畱取田田瓊腕折。野航歸。殘夢醒。悔與鴛鴦別。

石州慢

立秋後七日用高季迪韵

倚遍層軒。颯颯曉風，衣裳初灑。秋來暗覺，鬢如騎省慵將鏡把。書籤禪板，任伊百計消排。閒愁慣向，中年惹絲竹，倘逡巡更如何陶寫。妖冶。永新一曲，彷彿瑤天步。虛吹下。况更分曹賭酒，闌藏謎打。西陵人去，可憐金縷遺音。恍疑身後逢司馬。明滅畫樓燈。漸參旗橫也。時有女郎

珮聲麗婦在坐西陵三句感靜蓉較書也

如意令

用李梅亭體

去歲授衣時候。人在燕臺中。酒夢裏話江南。虛度菊前

楓後消受消受憶著按歌紅袖。今歲扁舟買就蟹信
又過重九雨雨復風風鎮日薰籠廝守依舊依舊閒却
記歌紅豆。

夜半樂

蚤語用柳屯田韻

沈寥一派秋氣因誰哽咽啼徧芙蓉渚向月練低時露
珠濃處晚蟬已歇晨雞未起幾多陳事關心不堪重舉
况送客扁舟溯烟浦。二更酒醒夢破半雜疎砧半和
衰樹偏只傍莎根聲聲聽去。螭螭塞冷麒麟塚廢怪他
也學喁喁小窓兒女伴孤館無聊燈下語。此際應惜
雪鬢頻添玉顏難駐。攢烟催涼總無據黯空閨惆悵遠
道音書阻驚聒耳。照近香階路繡鞍聽馬歸何暮。

浪淘沙慢

漁歌用周清真韻

五湖去瀾瀾野水隱隱殘槩。呖軋輕橈乍發嘔啞短調
幾闌趁箸笠新編絲網結。任容與渚杜沙折漸細雨斜
風暮潮拍遙邨鳥飛絕。清切楚烟不礙寥濶。傷斷菰
殘楓磯頭聽。髣髴鴻響咽笑灞岸驪駒徒送人別餘音
漫竭倩玉龍吹出滄浪晴月。多少朱門霓裳叠浮雲散
袖開扇歇問爭似篷窓無欠缺願從此泛宅浮家和歌
罷人間那得盈頭雪。

泛清波摘遍

帆影用晏小山韻

水蕙香小岸柳絲輕五兩恰逢風力好波紋欲側似解
歸程客心早三湘道千檣迤邐六幅低迷遙暎亂峯青

未了蕩婦凭樓脉脉斜暉數盡多少暮烟渺吹去漸
隨渚鴻落後漫依沙草歷遍潮生夜闌月沈霜曉舊遊
杳隋苑剪錦頓非吳娃采薺空到載得漁簑無恙濁醪
須倒

疎影

落照用姜白石韻

歸飛屬玉帶斷霞幾縷洲畔尋宿極望長沙明滅中流
湘娥儼映斑竹羣峯紫翠交凝處一半隔煙江南北怕
畫樓未放晶簾賺出影單人獨似線天涯趁盡王孫
尙何處裙草空綠自古無情冉冉西馳不啻山丘萃屋
寒冰舊路處淵薄莫更待比鄰吹曲斲野寺斜紅
勝榻郭熙千幅

龍山會

九日登細林山同蓬山律始文在霞上鶴實肖求湘九鑒遠子俯姪迪公越山歸飲

西潭小烟波

亘野秋雲凝一舸沿洄小泊紅橋下振衣舒望眼無數
樹舊綠新黃堪畫佳節自年年筭惟有遊人代謝嘯歌
罷斜陽半山茱萸共把千點接翅昏鴉繞澄潭有暝
煙亭榭在山蔬果易菱角嫩偏稱腮鱸筐蟹清露濕歸
橈隔谿漁燈影乍判醉也莫負桂花香徹夜疑去聲

月中桂

山齋咏桂

竊藥嬋娟謫人間幾時別貯金屋如塵碎雨愛異香濃
染曉妝初沐鬢雲瓔珞小謝錦隊三春炫服花底微酣
後醒來錯認伊闕廟中宿東籬未開叢菊賸芙蓉夾

岸掩映紅簇淮南客散縱賦成招隱翻憐幽獨裕衣纔
著處任拂面涼颼簌簌摘去當爐手偏宜小槽新釀綠

解連環

蘆花玉峯
道中偶成

暮江蕭瑟滿汀洲點綴楚天秋色映一片錦樹枯荷肯
漫學東風柳綿無力雪意垂垂恰藏箇小船吹簫伴閒
漁露頂宿鷺聯拳一般頭白 宵來緒風漸側捲銀濤
萬點頽岸千尺認空濛霧雨聲中却蟾影低篩雁程遙
碧憔悴徐娘悵老去風情非昔記季年前裙水畔嫩芽
乍坼

夢仙郎

樓臺罨畫劉郎去也門掩處碧桃開謝三十六魚鱗一

紙寄無因

清書枕屏嬌倚慵紅悶翠尋不到楚峯迢

迤覺後雨瀟瀟金鴨水沈焦

釵頭鳳

鶯纔語花纔吐好春百五人三五層樓側迷藏夕橫波
入鬢香絲垂額憶憶憶 春無主人無緒十季一夢霏
殘雨空相識成何益長條雖在綠陰如織惜惜惜

解珮令

月痕依舊鴈聲依舊但新來襟懷非舊錦瑟華季被別
鴣離鸞倜傥最關心永豐坊柳 賣餠時候題餠時候
負多情春三秋九鮑老當場終不似小蠻垂手鸚鵡裘
嬾教貫酒

憶秦娥

嘲燕

燕燕掠遍芹泥岸。喃喃又趁飛花入畫簷。季年社日如相識。慣作依人客。悄悄朱雀橋南。子細尋。

芭蕉雨

隔湘簾。誰弄響。把愁送上眉尖。錯種陰陰幾樹。綠遍池南。盡日蕭騷。聒耳。不管人帶減腰。纖想也為多情。啼痕滴損羅衫。半餉漸。囊囊無端。又教烟鎖虛簷。已是心兒未展。恨縷休添。寂寞黃昏酒醒。似慇懃。伴我香奩對一穗。鳳脰殘燈。鈴聲入夢。厭厭。

佳人醉

瑞木飛花細細。鴛幕重陰。天氣試擁。鑪對蟻燈。前雙靨。越恁紅媚。為誘檀奴。滿酌側金蕉。容易儂翻醉。麝衾溫矣。因甚夜深。屏山斜靠。不語微疑。睇慢騰騰。拋郎先睡。卸了冠兒也未。

南州春色

正梅溪賦梅詞半屬莊語為易此詞

官橋路月朦朧。垂垂清影。一抹暝煙中。桃李漫山從見。姪不是。宋家東。只合嬋娟翠袖。天寒空谷。脩竹倚來同。昨夜參橫夢醒。幽禽叫處。衣上香濃。長筵紅樓重陰。青子。憑寄語。休恁匆匆。記取從今。管領二十四番風。花信

以梅花風

為第一

遠佛閣

臘月十一日同友登貝多庵新閣見雲幢上人案間便面為見山遺蹟為之慨然

凍雲乍歛。西望一帶山髻。螺淺。衰柳沿岸。箇中隱隱紅

樓靜垂幔矮橋窄板蒸杖渡處霜沼如練闌影凭遍笑
指刈稻村墟爨煙晚 有客正棲息坐我蕉團供茗椀
不待夢中青衣逢講院對粥鼓齋魚塵慮都遣故人虛
幻只數筆秋林猶綴殘扇付枯禪霽窗閒翫

醉春風

風力簾旌破水花檐馬和忍寒獨自待郎歸坐坐坐鴛
被濃薰鴟絃閒撥獸環遲鎖 一霎更籌過幾回燈燼
墮知他何處泥紅樓臥臥臥難道來時又推沈醉負儂
真箇

踏莎行

見蓬山詩有云死覺孟
光賢不勝同病之感

旅醜壘鹽寒燈針線十季容我疎狂慣尋常猶未覺渠

賢覺時已是人難見 謝傳堂前膽娘歌畔悼亡題句
屏風遍朝飛雉與夜啼烏一般絃裏聲悽怨

瑣窗寒

歲暮戲
學放翁

冷雨昏烟重屏靜掩宛然空谷軍持菜几淡貯水仙天
竹咽銅壺譙更漸深剪聲尚伴攤書燭喜復陶擁處猊
煙不散小屏斜簇 涼燠隙駒速算塵世難消莫過閒
福名鞿利鞚一笑從渠馳逐記年時青綾夜寒曉來隄
減雙鬢綠問爭如臘酒惜騰蝶夢松床熟

荷葉杯

淡夜銅槃燭鳳微醉密坐送鉤遲玉纖數遍更猜疑誰
摩誰誰摩誰

又
蹋罷星橋三五歸去燈火半闌珊鸞鏡遺在小長干
摩瞞瞞摩瞞

又

一枕鴛鴦春倦誰喚曙色辨窓櫺
輓轡將動寺鐘停醒
摩醒醒摩醒

又

春晚閒園曲逕人靜柳暗雜花深
潛行何處最關心尋
摩尋尋摩尋

十六字令

猜袂襪多時濕露苔將歸寢猶恐夜淡來

斛珠

粉裙百摺縷金新嵌穿花蝶走橋須趁燒燈節約定鄰
姬只盼銅街月吳綾比甲人如雪愛他一抹蟾光潔
鬧蛾休更釵梁插朶朶春蘭香沁雲鬟滑

風中柳 題姬人
束素

雪色千絲組就楚雲湘水縮同心流蘇密綴砑羅衫薄
把蠻腰拘繫裊垂楊越教纖細香囊重裹憶背畫屏
偷遊疊熏籠沈烟尚膩花前閒撚認依稀痕漬是季時
搵人清淚

醉太平

飛花小亭垂楊淺江曉烟如雨冥冥是誰家慢書
鈿

車乍經。雕鞍暫停提壺也。怕人醒勸重賒玉餅。

調笑令

詞風

石家妙選盈數千。珮聲釵色相蟬聯。豈無輕軀與細骨。誰人寵似雛姬專。春華漸衰白日速。失愛蛾眉黛頻蹙。還君龍珮鳳凰釵。別有珠娘擅金谷。

金谷貯嬌玉。蹋處香塵象牀馥。可憐百琲珠盈掬。輸與白江三斛閒房織就寒。蛩禱樂府空傳怨曲。

又

蘇小

錢塘江上油壁車。人道天斜花不如。多情愛結同心絳。至今柳髮春風梳。遊人酌酒西陵墓。啼痕髣髴幽蘭露。春隨燕子不歸來。一聲腸斷黃金縷。

金縷斷腸句。家在西陵松柏路。夢中一笑牽帷處。人世流季幾度越。羅化盡齊紈蠹。寂寂晚潮來去。

又

江采蘋

上陽雪樹當窓紗。窗中有人吟落花。長門欲奏相如少。那憶離宮舊鬪茶。海棠紅燭方承寵。肯容驛使傳秦隴。卜巧空成金鳳形。珍珠不換君恩重。

恩重戀同夢。寂寞長門鏡塵擁。霜綃不見嬌波動。腸斷梅根小塚。翠華遺舄休含痛。錦襪馬嵬誰送。

又

霍小玉

淨持嬌女天人容。瓊林照耀春葩濃。鸚鵡傳言十郎至。初繫驪駒勝業東。低幃枕臂防秋扇。誓詞歷歷烏

絲段淒涼崇敬牡丹時。忍使沈綿臥深院。

深院信難倩。侍婢歸來。舊釵賤。夢鞋人醒。郎情斷。翻悔

黃衫教見。擲杯一慟。千季怨。合子暗拋犀鈿。

又章臺柳

銜花野鹿來。漁陽法靈道服更穠妝。將軍擁劍劫傾

國。輜駟邂逅。徒徬徨。合樂樓頭。縵纓子。一騎俄生檻

鸞翅。剩得青青。跪地條。依然寒食。東風裏。

風裏別離易。珍重楚金練。囊寄佳人已。屬沙叱利。愁覩

長條。跪地章臺折。後應顛悴。何似青陵連理。

又杜秋

隴西廢第。留青蛾。停樽愛唱金縷歌。掖庭供奉。傅龍

子。三十季華一瞬過。茂苑重。盛四鄰。改嫁時。菱鑑無

光彩。寒機軋軋。未成衣。話到椒塗。紅淚灑。

淚灑悶成海。朱邸青宮。沈暮靄。閒門葉積。秋燈矮。老太

風情空解。司勳麗句。分明在。禪榻鬢絲同。慨

又洞庭龍女

風鬟雨鬢。涇河濱。楚天望極。悲汜人。涇河可。堪恨。難

竭。殷勤尺素。傳酸辛。錢塘一怒雲。旗爍酒。醅沸耳。還

宮樂。重向盧家白玉堂。明璫無恙。臨珠箔。

珠箔更斟酌。綃縠明璫。宛如昨。還宮奏罷。清光閣。曾記

碧雲歌。作封書。橘社無心託。却逐人間期約。

又玉簫

僕射微時江夏遊。青衣侍側青絲柔。指環畱別踰數
載。含顰夜禱鸚鵡洲。荆門蜀棧無消息。月冷楓根葬
香魄。郎君官重妾身輕。再世逢郎已頭白。
頭白認標格。隱約環痕指間碧。姍姍不待潛英石。小字
呼來歌席。情緣莫道重泉隔。生死爲郎擦得。

又薛壽

錦江春浪曲通橋。錦城較書名阿濤。十樣魚牋不稱
意。玉纖白翎松花膠。元和才子汕幢暇。風光細膩知
無價。浣花州水隔相思。最是雨朝和月夜。
月夜悄吟罷。淡墨離詩和淚寫。擘成素繭銀光砑。幕府
司牋曾借碧。雞坊靜聞嘶馬。門掩枇杷花下。

又小周后

銀虬水滴春宵遲。澄心堂側無人時。香階剗襪向郎
處。花陰密跡棲鴉知。校鸞被繡銜婚帖。寧憶燒槽邀
醉撥。汴宮朝散翟車歸。鄭國夫人但悲咽。

悲咽袖綃。洗面淚痕相對雪。念家山破新聲闕。無復
季時剗襪。小樓昨夜東風劣。惆悵玉笙寒徹。
摘得新

摘得新。須教挿鬢雲。天斜隨玉指。最宜人。不知綠底和
釵落。臉紅勻。

如夢令 用宋人平韻體

蠟淚銅荷未乾。篆縷猶餘博山。窗下剪刀聲。坐徹空閨

夜闌夜闌夜闌半臂羅輕漸寒

又

人隔湘煙楚雲愁對闥中艸薰三十一六鴛鴦不及緘書
錦鱗淚痕淚痕黥却金泥畫裙

君來路

感夢用葉亦愚體

東華路西華路青袍綻盡顏非故歸家百事似黔婁不
見黔婁當日侶逢伊處拋伊處一燈搖曳鬼來太鏤
金單枕未分明陣陣綠紗窗外雨

河瀆神

門閉藕花中水烟一望濛濛仆碑苔澀隱秋蟲壞旗猶
颭靈風廟前繫艇誰家女晚沙重酌椒醕歌罷竹枝

無語神鷗千點飛去

又

春浪嚙鷗沙楓人蘸影欹斜小姑初去蔣侯家淒涼畫
壁龍蛇無端夜半風雷疾隔江村店如墨愁絕短篷
行客夢回鄉淚沾臆

蹋莎行

見益菊

袖上啼痕奩中藥裹病妝猶及黃花朵當時一餽已神
傷逡巡怎便三季過京雒驅馳鄉園拋躲影堂重到
蛛絲鎖愁人生怕薄寒天無言獨背紅篝臥

醉妝詞

昨宵雨今宵雨點滴何曾住蕉芭樹梧桐樹總替醒人

語

最高樓

甲寅冬日同帶三先生樗亭蓬山豫章嘉樹楷庵南華飲拂鏡樓憶舊

旗亭路不到十年餘。鄰竹尚蕭疎。晚潭再照尊前影，秋塵半罨醉時書。倩何人，迎翠袖，卓鈿車。便認得善和坊裏宅，也只似潯陽江畔客。休按拍，怕霑裾。蒼茫曲港迴船處，青熒水市挂燈初。紫衣伶，楊柳句，問誰如。龍丘

王郎輩登此聽大梁蘇生度曲

鶴冲天

見諸公次韻題像詞成帙喜賦仍用前韵

乖虹古渚舊隱三。高處一笑檢歸裝。烏闌句，儘青門折柳，便千疊。畱難住，唱酬皆妙侶。白傅題花，絕勝紫姑吟苧。醒朝醉暮，彈指年光去。剪燭坐西窗。雙螯煮，展牙

籤玉軸，防黠透黃梅雨。歌鬟誰最許，斟酌香檀，簾罅月織風緒。

催雪

遙空雲黏，聞甃葉擁，玉洗冰痕，片片漸凍。雀無聲，紆千山畔。此際五侯亭榭，定檢點，醜醜教開宴。獸鑪圍處，江簾莫放，綠樽須戀。歌婉拍漫按，有郢客，擘牋綴詞剛半。待呼取前溪舞人，同看挑菜，季時近矣。便披氅，衝寒梅花岸。臙太任吹面，吳鹽也，索灞橋吟遍。

洞仙歌

葉硯孫席間分賦

燈紅醜碧，把春融先借。玉蕾香催小亭榭。烏交時宛在，吳榜湘簾，薌澤膩，曾記羅襦半卸。眼前饒粉黛，借問

桃根何似江頭舊聲價。諧謔儘疎狂。拍手軒渠。金蕉戶也教鯨瀉。更牢合雙魚。帶歸鞍。漸不覺霜濃漏籤頻下。

風入松

宋南華屬題
孫漢陽松鶴

毳毼雪羽暎虬顏。喚入翠濤寒。薛公韋偃經營苦。分明見節勁神閒。不慕大夫岱頂。偏依處士孤山。主人高館。柱頤看。只少箇仙官。幾時真買青田種。科頭坐撫罷盤桓。珀髓千年鍊後。瑤笙一曲飛還。

黃鶴引

用阮田曹體題宋
楮庵青村艸堂

海霞明處恰有詞仙結廬住。遶溪千箇琅玕。供君題句。閒尋逸侶。鬪茗敲枰。揮塵看人來去。但三兩忘機鷗鷺。挂幅輞川圖對著。龐公宇。醉聽眠犢童謳。撈蝦人語。

緇塵到不。休羨禁城槐府。碧桃無數。笑不少漁郎。迷渡。

蠟梅香

墻角亭亭。襯欲雪凝雲。漸嘯寒日。料得東皇。驛舍喚催。芳信幾丸先拆。約畧檀心。渾未透蜂兒消息。正靚妝人。含章睡起。試安嬌額。折供膽瓶斜。怕吹來橫管。薜砌狼籍。一線幽芳襲。縱玉鑪蘭燼。讓他燃蜜。小幅金泥淡。淡把孤山描出。向曆殘時。松醪偏澆。杏衫春色。

臨江僊

歷歷槿籬芳草徑。重來恰是殘春。春光無恙客愁新。露桃花不見。何況倚花人。翠袖香微蟬鬢晚。當季幾遍逡巡。半篙溪水蹙魚鱗。夕陽叉手處。腸轉似車輪。

杏花天

金魚池上秋燈宴。記垂手香裯玉軟。無端又向江南見。笑靨依然暈淺。潺潺雨紅簾不捲。恣消受桃花小扇。美人賦罷文園倦。却被春風惱亂。

掃花遊

新綠用王碧山韻

藥欄晝永。漸送盡花風。喚來鳩雨。剩香在否。賺金衣曉。耽帶烟穿去。縱未成陰。不似西園絳樹。悄延佇。甚恰對畫樓端正如許。紅子拋劫處。愛半綴油幢。紫藤無數。玉驄緩步。記題門舊巷。墜鞭斜路。冶葉倡條。故故窺垣。拂宇澹平楚。隔溪南。鬪茶歸暮。

渡江雲

題范武功畫用張叔夏韻

煙霞人境外。矮籬仄徑。風景授衣初。野翁門未啓。想得香杭刈了。罷犁鉏。橋平水漲。蕩菱絲不礙。澄湖誰手種。徂徠百尺。嶰谷幾千株。客余科頭偃臥。濯足高吟。向前峯深處。便好伴鷗閒。犢懶鶴瘦猿孤。脩狀几案。曾何有。賸一編僧課。農書塵不到。問斜川彷彿還無。

黃鸝遶碧樹

雨中同友訪葉硯孫於空翠山房卽事用吳園次韻

斟酌橋西去。閒停柱檠。試敲梧院淨。洗鉛華。喜徽衣雨細。沁鞢泥軟。石闌徙倚。筭煙冷。秋紅曾見。驚對此。又早濃陰落蟻。新巢藏燕。傍午單衣覺暖。越微晴。更呼珠釧。學遊冶。且花前密坐。燈背低嚙。莫放盛年暗度。悵後會朱顏變。空憶笑奪鸞鏡。醉題蟬扇。

燕歸慢

松陵道中感事
用梁五經體

亭午推篷漸城迷舞鶴橋亘垂虹陰晴蠶月後墟落柘
煙中唵眸扶醉已冥濛忍更聽山陽一筵風何人共青
翰被閒疊小熏籠千里約廿年事三生石五更鐘烏
衣古巷清秋月念曾與璧人同無端消渴悞臨邛漫羸
得同心墓草紅寂寞望華表但搖漾水連空

如此江山

楓溪
夜泊

斜陽水廟停橈處依稀浪萍前度酒慢垂烟魚蟹賸晚
無恙浴禽眠樹奚童偶語陡觸撥傷心亂絲如許越榜
吳檣等閒斷送歲華去新蟾半鈎乍吐黯情懷不記
綺窗眉嫵衝鼓催行和衣帶醉總把鳳衾耽誤章臺舊

路况玉合荒唐翠條非故羞照澄波驗秋霜幾縷

喜遷鶯

送子武入都兼
寄令弟儼齋

渭城檀拍乍一聲催動短亭行客燕尾帘青裙腰
偏稱錦鞵珠勒五雲西苑曉重眺望洗妝樓側有
籠煙柳畱染袍色京國試射策此際弱毫肯便
戟表奏平淮文成諭蜀飛藻待銘金石惠連如問
寄語漁蓑踪跡但側耳白玉堂快傳聯璧

沁園春

荅莊天申用
蔣勝欲韵

饑朔歸來三徑蕭然猶存傲廬喚陶家通子應門謝
杜家阿段引溜澆蔬松徑科頭藤床企脚不夢羊腸九
折車風日好更閒乘白舫小泛清渠衛郎玉潤誰如

問藥裹詩籤好在歟想難除慧業行波題句近傳仙術
脉望藏書鹿柴新營漁磯恰傍莫厭頻過水竹居知何
限向朱門觸熱短刺長裾

驀山溪

藤枕

輕勻誰作持比楠榴大玉骨瘦稜稜用不着繡函包裹
并華洗罷蕃馬小屏邊龍鬚妥鮫綃彈隨意斜安箇
有人嬌惰一晌華清臥無計諱紅顙被印出粟紋纖瑣
晚涼天氣茉莉半開時藏幾朵香無那夢也風流過

又

竹牀

湘人顛悴輾轉看清淚本擬住華胥却占籍渭川淇水
當風企足把卷逸書看陶狀醉鷓狀睡別有蕭蕭意

合歡名字漫羨鴛鴦美爭似玉琅玕是翠袖暮天曾倚
蕉陰藥榭位置儘頻移維摩偈跏趺對一縷茶煙細

又

羽扇

微薰庭院那得凌秋翰製就影團圓愛入手月輪霜片
小童丸髻搖動得人憐王郎腕何郎面一色看難辨
蒲葵五萬聲價因他賤逸翮剪天狀更莫畫雀紗鸞絹
青城仙侶馳檄召封姨涼飈薦流螢亂寶袜消香汗

又

蠅拂

仲翔賓客慣點無瑕璧驅遣賴松枝不負與短轅同錫
過江白袷生長擅譚鋒疎簾側新桐碧挂取紅絲尺
背屏斜立試喚青綃執欲展更遲回似懊惱臂環無力

隱囊清晝人困小橫陳。休唐突。佯拋擲。閃破槐安黑。敘

志竟陵王青綃持拂紫袖吹簫

天門謠

躡柳今年閏。猶未退。麥秋寒信。過雨陣。便衫鬆。篝潤

揭霧薄。紗幮低語問。可許宵來。鴛被趁。酥頰暈。笑答

道貪涼添困。

月當廳

本意用史梅溪韵

竹栢冷。浸空庭影。逡巡又上。碁局中心。記得那時。攜手

檻曲堂深。聽徹笛牀水調。恁清輝不換。等身金。酒醒後。

披衣風露。絡緯微吟。

流光暗。太銷魂。在夢悠揚。劃釵

闌角慵尋。貫取翠樽。還度阿濫餘音。多少舊歡。任拋却。

最難忘處。是遺簪。閒立遍。棲鴉徑。認屐齒。墮陰。

宴清都

沙榭丙舍澄暉閣落成喜賦

葺箇菟裘小。疎籬外。碧溪如帶斜遶。藏門乞柳。因堵蔭

藥。護墻移篠。猶嫌遠目難舒。映水築層樓。縹緲始稱與

靈運春池。元規月夜登眺。身閒恣我清狂。危闌倚遍

長笛吹早。農歌接隴。炊煙隔塢。綠勻青裊。畦丁貫得村

酒。恰舉網銀鱖尾。掉判自今細酌清吟。看雲數鳥。

梅子黃時雨

本意做張叔夏體

紅綻纒肥。鎮烟鎖。樾陰珠響。簷雷笑。睡損香閨。誤辰為

酉。聞喚司書覓塵。防他黠。滲細囊舊。熏籠覆。一線水沈

時透鴛袖。消瘦新疎。詩酒儘清齋。繡佛聊遣長晝。更

蟹眼閒烹龍團私鬪三十六陂秧水濶空濛不似前裙
候微暉漏又被婦鳩倏慙塵尾能消

孤繡凌秋有騎省之悼屬予賦此

多情京兆記雙倚妝樓遠山親掃鏡匣流塵翳忍遣孤
鸞照空帷漫勞結夢路茫茫月梯烟島誰喚鴻都羽客
問別來消耗寫新愁蠶白偏生好向冷簾抽思敗屏
刪稿檢點秋雲怕被啼珠衰了季時杏欏立處碧錢深
鳳鞞聲悄惆悵袷懷似恁只蓼蟲知道

長亭怨慢春藻堂送彭羨門歸鹽官時有女郎麗娟約仙在坐

乍飄歇梅天疎雨又是離樽送君南浦鄂被催歸蜀賤
題恨共誰語翠鬟金縷齊唱徹銷魂句怎大小姑邊不

解把彭郎畱住達曙便消停燭跋也只統如三鼓探

鈎漫戲總贏得別懷如許算此後夢役覓勞定尋遍官

橋煙樹賴隙月殷勤流照棲鳥啼處烏夜村即何準舊宅在鹽官城外

倦尋芳張硯銘招飲臨流草堂

砌葵剪錦塘柳垂幃軒戶瀟灑一霎濃霧天許晚來秋
借少女風欺纖葛度美人虹映澄潭跨趁微涼儘青州
白墮競浮瓊筆聽隔葉珍禽如話易去韶華難際清
暇獨醒誰招楚些兩回吟罷是月閏端陽拙宦生涯輕似蝶
醉鄉滋味甘於蔗笑紛紛軟紅間客何為者

淒涼犯蓬山亡後讀其所寄芝田詞

澄暉小閣分攜際烟疎月澹如昨半酣放舸空畱軟語

頓乖後約。虞淵日薄。長筵誰家正作。怕重經墟畔客。不
是舊諧謔。雙鯉近傳。訝蘭紙蠅書。粉銷香鑠。子期老
矣。迸朱絃倍添蕭索。身後雕蟲。問爭抵花時。參鶴把闌
干拍遍。愁來沒處著。

一萼紅 雨

織千絲。愛騷騷屑屑。偏向夜闌時。短夢驚殘。香衾覓處。
涼意筠簟先知。曲池畔。荷新竹嫩。憑做就。紅潤綠離披。
似泊秋江。打篷聽倦。烟寺鐘遲。誰遣楚臣才調。把高
唐逸事。寫入微辭。珠閣三更。紗窗幾陣。消費無限情思。
莫重唱吳娘舊曲。照雙笑。挑起曙燈微。此際蘭胸。貼來
分外凝脂。

程子